

知
足
齋
詩
集

知足齋詩集卷第十

乙卯上

大興 朱珪 石君

荅龔子性存三十韻

龔生南國英家世多秀傑汝祖官禮曹壁立界樞闡階
前羣玉森仲也尤純潔立身希曾閔汎愛周任卹用意
崎嶇閒深厚彌罅闕如何愴膏桂翹楚中摧折知交慟
斯人蓀命苦踰奪遺孤孩未齠慈育仰母節榮門有亨
屯竹林感環玦憶昔歲甲辰覲汝劄新發果然善承考
志氣淨冰雪十年遲飛騰千里腕猶蹶皖江暫來遊期
許頗豁達書窺秦漢上射彀矍相率度嶺依涓陽淵源

所自出汝之外王父根柢詞林蔚同遊六雅門父執仰
前喆宅相待才賢似舅師博涉斐然投我詩海嶠探月
窟我竄如啞鐘何以酬撞戛念子敦且勤根茂華自實
服膺洙泗規知四行則一學藝亦多方薄植終滅裂惟
虛道斯集自智如劒映圭璋不磨礪何以薦天室拘墟
守糟粕何以運溟渤子欲登泰華必先遵達術子欲泳
聖涯野史練文質食貧不隕穫旣達無充詘我言雖陳
蕪芹味試一掇

正月十六日奉到

頒賞

御筆大福字竝

恩旨以珪恭進

御製幾餘詩一部加賚大小荷包七個八寶金鎖銀簪
硃錠等件恭紀二首

言永章韶本

勅幾

心源天稷濬精微金聲玉振闕條理坤絡乾苞測範圍
四部緯經光

帝載

八徵念釋切民依編摩敢忘釐工急颺獻猶欽

勗弼違傳諭有有頌無規
不可緩其所急之戒

宜春寶定袋金魚

三錫龍光荷燕譽庚甲年來承

五福

自庚戌出授安徽巡撫至甲寅御筆福字五次乾坤泰始叶連茹

十六日爲立春次日

恩濃丹翰班應近心纈蓮華佩有餘
挂臂小荷包禁中最重得之爲榮

流壤何能裨海嶽願陳保極億齡書

漫興十八絕

不近楸枰不作詩觀中兀兀坐如尸
睡魔驀地來相撾
輸與禪牀老衲師

無中有有中無誰賈誰真誰是吾若問三生真面目
一潭明月照如如

夢中何自憐塵緣覺後方嗤結習堅漫說病根容易淨
他時見獵又欣然

順下扁舟挽上難終朝邪許幾重灘中流自在誰家子
到岸方知著腳寬

淡影疎枝若有香梅花消息逗春光山茶自笑鰣紅甚
蜂蝶翩翩爲底忙

玉顏翠袖宛淩波羅襪微塵奈若何裊裊春風不自怯
色香也擬伴維摩

水仙

素心千里致相於珍重何當見性初白月當霄空不隔

雲車風馬亦悠如得汪靜崖章鹿賓札

三千閩士校雄雌第一應推張孟詞萬錦雲霞天上筆

雙清梅雪歲寒姿張解元騰蛟寧化第一才人也癸丑會試中式用三卿事和相以爲杜撰

斥下等罰科鬱而死於邸

瓦礫爭投且漫譁晚馨學不媿三車素心直得傾城顧

便腹真堪賦海華蕭山王紹蘭博學雄於文予已酉拔貢也

奇行心推鄭振圖爲兄割臂血需襦金滕代死聞公且

獨叫鴿原重友于鄭振圖字咸山閩縣人予已亥所取士也天性孝友伯兄得痼疾振圖割

臂肉進之仲兄令其移案共臥以一臂助仲兄叱之振圖泣下兄覺迫而驗之相抱失聲予聞其異察之癰痕

殷然爲之慟謂古爲兄割肉者罕矣作資善篇敘其實不知何人竊稿去燬之甚矣人心之嫉善也特志之此於

吳郎端合錦爲名筆是文通豔欲生細楷蠅頭義獻體

五雲高甲佇傳聲吳錦錢塘拔貢博瞻工書鼎甲才也

慧業奇童黃采臣試令代草上

楓宸有章有本

題丹筆

天許能文屬此人黃採騰驤之子爲予作謝賜職硃批有章有本可謂

能文

吳郎作賦擬雲淵小鶴應衝老鶴煙慈鶴爲吳觀察俊之子貽我

瓊華六十串句奇韻險畏來賢

四時長嗅木樨香甜不如梅辣遜薑自是廣寒天上種
文心佛性印清涼

春光得得屬微和消息氤氲到大羅得手由來須閉口
柳梅瀟浪又高歌

老味還從醉裏參宵闌酩酊興猶酣若教醒半分明甚
鵲舞回波著恁慙

白衣蒼狗本無憑蜃市蜃邦幻自興堪笑人心如井水
轆轤底事轉長繩

一瞬人心百變生知人自古最難明素修死更難含獨

君實生猶喜蔡京

皇帝在書房時寄示味餘書室歲晚書懷十韻謹次元韻

蜡臘迴星杓鶴鑪裊煙篆三微味有餘六籍興所遺生
白室集虛研丹學念典景漸可觀化日孳在思善終朝
藝圃游不覺流光轉撫茲歲事閑嘉殖欣豐衍攄懷遠
不遺萬里情猶緬德輶好有孚詎云克舉鮮何當逐歸
鴻適我中心繾相待望舒圓霽鏡歡重展

題陸包山畫冊十一首

錢塘門外湧金東寶所浮圖矗碧空人度長橋春水漲

遙聞鴉軋綠陰中

曾憶湖南湘水間
飯雲縷縷欲遮山
石泉松蔭迷離甚
煙外靈娥擁翠鬟

沙岸亭虛不見人
來帆去棹渺無垠
江天綠淨連空闊
樹影蘆芽徧地春

遙塔出峰腰
輕帆趁去潮
客心無芥蒂
坐穩說金焦
深林敞草堂
四望山水清
飛瀑下絕壁
迸作風雨聲
石泓歸壑遠
樹排霄岬誰知
塵壙外獨抱懷葛情

買山何所卜
鄰希汎汎在舟過
釣磯自有千章消
夏日待看孤月漾
清庭招提隔界遙
聞磬罷樵連塍更採薇

福地置身蕭爽意白雲空翠落人衣

大山宮小山茅屋閒瓦屋杉松翠插雲禪關欵白足

四山駮駮羅修屏獨行略約盱遙青幽人何必羨大隱
晚楓叢桂長芳馨

高松有對論洪崖正拍肩吾廬亦可愛紅葉搖窗前
漁樵問答各有以不言心醉嵐光起山中招隱好歸來
何必桃源隔春水

同雲羃太空羣玉浩迷濛獨有漁蓑艇悠然朔朔風那
尋埋徑客不見探梅叢誰識包山子炎蒸幻化工冊子乃暑月所畫

奉

旨連日舉行典禮御製詩四章蔡新朱珪學問尚優孫
士毅亦嫻文義著將詩章抄寄閱看卽令恭和進呈
福康安亦鈔寄閱看使之同深欣慶恭紀

同

天文思煥光華見

聖宮牆禮會嘉

高唱四章聯紫綵榮隨三相捧黃麻編排屢沐

龍光賚屬和應慚轂語差典學傳心詞莫贊雍容

唐舜

玉皇家

十臺懷古

姑蘇臺

一代雄王氣未灰三吳何處訪荒臺後先上國爭盟主
臣妾鄰封狎霸才絕世蛾眉歌舞罷如林虎旅火荼開
那堪甬上羞麋鹿獨見東門抉眼來

章華臺

區區不界奈天何積歲臺成意氣多手執殤宮規作瑱
肘加埋璧礪空磨細腰不共雙申夜長鬢難迴四族戈
民瘠君肥千禩戒雪花翠被暫婆娑

朝陽臺

巫峯十二接荆門，雲雨迷濛露曉暎。
帝女誰媒空蕩魄，靈修數化但招魂。
三閭弟子偏多諷，萬古風流莫問源。
夢斷楚天江水碧，湘娥鼓瑟淡無言。

黃金臺

昭王發憤洗前羞，禮士非同築室謀。
三戰三城骸正析，千金千里骨先收。
寧臺鼎呂歸河北，昌國旌符下海陬。
今日北京標勝蹟，當年東轡指營邱。

歌風臺

赤龍沛上起風雲，四海威加返照曛。
一劍指揮三傑轉，

重瞳感慨五侯分弓藏漸少熊羆士箕踞誰堪社稷勳
樂飲高歌還泣下英雄心事向誰云

戲馬臺

壁上諸侯盡膝行鼎中翁媼漫分羹雄驩百戰空貔虎
烈豔千秋記姓名叱咤登臨衣錦日蒼茫憑弔誦弦聲
他年謝客賡吟好逝水浮驂動古情

望思臺

封禪儀成裊白雲通天峻極接神君誰埋木偶災无妄
子弄兵符律有文高廟夢通車相國外家星隕衛將軍
苑空博望歸來築鉤弋如何手自分

銅雀臺

炎靈已燼望塗高
騎虎誰知馬食槽
對酒舊恩歌契闊
臨臺新鬼餒烹蒿
筆端作述文壇健
鼎足雌雄武略豪
七十二陵迷總帳
千年金盃出波濤

鳳皇臺

李花穠發鳳皇栖
記取元嘉丹詔題
萬里長城嗟已壞
四家學館尚成蹊
玉埋鸚鵡愁僧綽
車覆劉班泣會稽
畢竟鵲頭煩鐵騎
誰教秉燭待鳴雞

凌歊臺

金根葆蓋盛郊儀
冬狩歆雲樹羽旗
壁晒葛燈田舍老

畫添魘鼻寧

去聲

馨兒重肩掩月工哀策六出飛葩獻瑞

詞玉燭君臣慳鬱侍豫章負荷獨委蛇

擬陶淵明形影神贈荅詩用其韻

精贈氣

日月光相逮五敘各有時英英含苞露栩栩蜂啜之念
我初化生非爾詎及茲因依相母子保抱同耄期如何
搖萬感逐逐多慮思珠玉就銷鑠風雨悲漣洏誰能杳
冥中皎日信不疑與子離復合百讀黃庭辭

氣荅精

同生合天巧之死嗟人拙與子甘綢繆懸知苦訣絕我

介悔藏慍子通每多悅靜來何交融動去倏分別水濁
流已淤火烈煙易滅何如淡以成地凍淵泉熱又如五
月炎繻并寒不竭馬剛轡則柔調御那嫌劣

神釋

形上不可言形下亦已著三人行不疑傾蓋早如故我
初游何所倏忽成比附旅館有主人悲喜敢不與烏生
八九子分飛不同處汝雖膠漆投我豈百年佳譬如交
頸鴛離合亦有數智者營菟裘達士哂喪具大患吾有
身何況身後譽騎麟我獨來舐鼎試同去搏汝入泥丸
莫爲歌利懼拍手上太空何思復何慮

爲大埔楊母張太孺人九十有七壽

同年天
培之母

冊年前作節母詩我齒未壯頷未髭母今九秩又開七
我髮星星齒駸疏萍蹤相遠闕登堂鴈題已愧魯靈光
乘槎偶泊扶胥口舊游不見之罟楊龍泉仙鬼久飛去
長畱詩卷陔華句緱母頻餐沆瀣杯桐孫尚蔭琅玕樹
潮州竝海接蓬壺雙髻雲開洞白蓮百歲坊高照螺黛
千春桃發漲神泉

偶作九首

疏食有至味味更在半飽如何競肥甘邀宴眞苦惱酬
酢非心好酣飫劇顛倒牽牽世情多鬱塞三田鼎肉食

若不戒胎神餒且殍穀食若不辟嬰兒難飛矯何當七日淨自飲甘露醺騰騰兩足輕一舉超霞表

斷欲廿年餘夢寐漸不著時來窈窕姿了了知六鑿目視雲與茶如玩花與萼色身兩無染法喜性亦樂是由勉幾安精化思淡泊食色反其元本性又何惡

精滿不思淫氣滿不思食惟有神難充睡蛇苦迫逼稍靜卽華胥閉目卽槐國疾雷吾不聞咻闢吾不識子前旣膏騰午半尤昏墨慙對老釋迦棒喝怕痛盡何當垂簾觀皎皎住萬息

富貴苦患失貧賤憂屢空騎虎不得下喪馬泣路窮心

爲境所累何暇觀厥中至人提且命馬耳搖東風所以
言善惡必及吉與凶此理本一貫聽者猶懵懵千士同
慕道未見十有終半途各蹉跎羣疑眩心胸何當一人
達彌彼萬瞽聵

淺夫矜一得自大如夜郎蠹魚死簡素雕蟲誇文章馮
夷旋面目向若猶望羊何況天地大萬牛一毫芒道乃
超其初終始不可量密藏入無間氤氲塞中央誰能喻
其妙畫作圓輪光何以充其缺至靜而德方我欲強名
之曰一曰有常

惟人參三才無我備萬物所以賢聖心獨善猶勿勿居

高所及廣豈必戀袞紱洞天雖云樂姑舍辟支佛爲山
膚寸穿井養九仞汔百六消劫災龍蛇互信屈超然食
氣母逍遙絕塵埽

釋迦與多寶分坐獅子牀玉皇與玉女同現清淨光喻
此大道妙和一眞陰陽氤氲法天地日月交中黃崑瑣
彼嚙語天老教軒皇豈知道在我挾筴先亡羊何不觀
我生壺中樂未央

嗟嗟可憐蟲蠕蠕親糞穢豈繫生無知而以惡爲愛畏
途何爭趨坎窞投不悔夜氣日以亡有覩不自顧我欲
撞洪鐘以醒充耳輩十年戒迷復三苗猶分北

舜華方榮榮蜉蝣亦楚楚苗而不秀者輩若暫得所熙
情非無春變性尚有暑秋霜復冬烈何蓄更何禦有欲
同斯螽無儀慙相鼠淪胥入深淵誰秉中宵炬

喜李比部畏吾過粵時將之朝

不見高人十四年翩如癯鶴下霄天瀾翻舊事東流水
濬發新知正出泉漳浦尺書頻鄭重笥河手澤更摩編
蒼生養望期開濟莫負詩書滿腹便

哭張孟詞進士五首

不朽文誰屬長吁天祝予玉樓眞促李丹篆莫與徐華
暫芬優鉢材偏恥壽樗空羣標駿骨伯樂痛何如

憶昔乘槎日抽桐出爨焦九旬親拂拭一響震空寥

辛丑

予拔士至江搜落卷得君作大賞之置第一

視爾眞麟

角逢人說鳳條鍾期猶未死山海向誰招

心是幽蘭素人如大玉清五車便炙輶三篋富遺簾潤

色吾東里研摩奏兩京

生爲予草呈特荷

十全頌進

眼中眞

國士一第尚虛名

生求及補試而卒

殿

友于憐弱弟鄭重託遺編

遺札以弱弟及遺稿爲託

魂返幾千里生

離俟五年

辛亥出門過院至京未歸

誓余登道岸度汝上層天蒼昊

如求士呼空首薦賢

慧易超三界才難贖百身奇文應泣鬼苦學亦爲神玉

局來因舊雲旗去路新蒼茫司命意老淚落斯人

祈晴

盆傾飢建天沈陰早禾夏造愁浸淫萬戶忍饑待饘粥
市僧騰踊逾兼金我慙牧民苦蒿目額禱羲御升當心
高呼結璘走天外萍號蚪舞來駸駸蛙鳴階除蝸上壁
衣襦生菌勞烘燼淙淙逼耳聽愁絕蕩蕩沃景方酣霖
韓公正直豁衡霧暫快眼界娛登臨我憂謀鞠敢千福
力微心急天其謔何當薰風收雨脚光明鏡照歡黎黔
芄芃穰穰篝簌滿飮馨上達神祇歆

題蓮士詩草卽以送行

阿閣構隆棟太室陳尊彝伊人庾嶺秀清映章貢湄競

爽兩岐疑英聲卅載馳

子聞君兄弟名自乙酉始

及乎歲戊戌高甲

冠倫魁哲兄禪悅早揮塵同槎移素心耿相照莊惠濠
上知超然歸兜率五濁遺喧卑我來扶胥海君方操鏡
犀仙骨抱珊瑚節洗心澈淵驪談元叩庭籥提耳謀殷屎
我既拱璧進君亦韋弦規示我琳琅編百首冰雪詞有
時賡險韻韓孟摩旌麾相屬一樽酒重結連理枝披豁
見心性砥礪交師資使節先我北水陸相逐追鳳巢故
宛在遲我鳴葦萋蓬瑤尚可樂待君桃熟期

食早稻

端午初嘗夏至白

名早稻

雨足晴宜登籍籍今年春夏青

黃交米涌民飢珠桂迫海風蜚雨時吹腥西江北江勢
瀾濤隄衝圩決魚蝦驕默禱青空抒肝膈幸仰翔陽豁
大蒙居然稻穗垂盈尺館鬻兼旬勸舍施散利緩徵乞
天澤今朝喜覩玉粒新餽芬薦節歆宗祐餽餘軟滑香
朶頤龍天嘉貺手加額四郊無事萬姓肥月窟天根春
脈脈

皇帝在書房時以

珪蒙

恩內陞總憲詩以寄賀敬次元韻

恩驚

申命來別自庚秋數馳傳向皖公若保愧農父依斗西
北歆踰嶺東南撫鴻飛日以遙魚夢醒空憮每羨鳳歸
巢敢說珠還浦五年百幅書懷抱緘肺府心心同蘭金
點點蒸梅雨地戒阻海隅

天光近泰宇述職期自今升階榮超古臺省領紀綱喉
舌欽茹吐

龍齡合嵩呼蟻悃喻壤補詩懷誦穆清禮足快瞻覩
猶稽月槎迴渴見雲施普應知侍

席晨更僕那遽割

馮鷺庭編修以予晉官長句見寄依韻荅之

梅信遙從五嶺開鶴書訝自

九霄來歸朝人說靈光歸

翰林科分推王戍竇東臯先生爲首公旣致仕次推戊辰

惟予在踐斗班聯執法能翔翥周阿憑獨立扶持衆棟

要羣材聚星漫與慙卿尹清白淵源有著埃

我行

時赴南海三水肇慶督放口糧

我行佩四印而皆非其真

暫畱巡撫并管關務兼署總督及巡鹽御史

問我

今何官紀綱執法臣淹畱未上道承乏炎海濱此邦實

雄劇跼躄悍不馴操刀詎辭割恐傷天地仁四民競雖

刀何由返樸淳今年春夏交米貴民食屯散施勸百吏

餽粥拯瘠貧幸荷

皇穹慈玉稻盈篝困潦水雖偏沴飛章達 楓宸茲行
宣惠澤鴻雁安渚潯假觀素其位誠求瘼乃身卽事紀
行役內訟省宵晨何當及瓜代度嶺攀梅新

偶作二首

從儉入奢易從奢反儉難所以察小物刻意持其端涓
涓流不絕泛溢橫波瀾燄燄苟不息炎火燎原觀物力
實辛苦如何恣婪殘人生福有闕夸者決其闕食前盈
方丈果腹惟一餐萬屋美輪奐居者樂考盤老氏有三
寶可用銘鉛丹

富貴役羣動貧賤營一身衣食急生命哀此作苦人智

慧雖不足而未喪其淳漁樵相勞勸歌嘯各有因咄彼
隸也劣一飽忘艱辛酣參借威福邪徑耽自親此輩何
足道取鑒衣冠倫

度峽

我來溯端江五度高要峽往往行昏宵未及熟羊腍茲
行當六月畏景喘驚鴨觸石思甘霖掣電偶流雪遙憶
七里瀧近接二禺插釣臺慵未登頂湖秀可呬回首叱
初平山月叫鷓鴣清風四面來及晨練韎韐

重登閱江樓

江上高樓擁翠鬟西來萬壑鎖天關

聖恩三度施金粟臣節雙符攝海山鴻渚淹留仍邂逅
謂與許子錦鶴壽仙同登鵲艦信宿漫追攀瓜期行近吾將北浩蕩
東流閱等閒

出峽

駿馬注平坡下峽舟勝快炎威雖未消風靜利無蒂端
江導自西迤邐匯衆派每當盛漲時噴怒大地隘揭來
水已低晴暘旬苦曬頗疑蛟驪眠佇想雷雨解助我颿
半酣甦我齒痛齡蕩滌暑蘊隆噓吸秋沆瀣何當鞭靈
羊一洗物暗醺

戲作棹歌五首

早禾倍熟晚秧青西稻連艫下建瓴莫忘清和端午後
萬家餽粥賑初停

潮陽海運滯通波米價兼金喚渡河

時有就溺者

賴有莊生

先貸粟急書庚癸活人多

惠潮莊親察肇奎馳書告我急賑賑粟以賑米價漸平

夏初陰雨稻遲黃頻以心齋燕篆香竟放晴光旬日好
玉杭北至滿登場

圍田漲蓄一隅偏

宵旰分憂請貸蠲此日巡行問父老面無菜色說豐年
去年今日下韶江慙對高牙撫大邦漫說甘棠畱愛樹
免教風雨吠村尨

莊觀察肇奎施穀千石以賑潮民逾月卽拜粵東
廉使之

命惠迪之吉捷于影響矣作此以勸

天道近如此人心胡不然纔聞振溝瘠已見擢臺賢霜
柏新威肅甘棠舊愛傳知君陰德大努力歆吳泉

竹君先兄忌日

荏苒飛光十五年驂鸞久合住諸天名山著錄夸仙佛
兄嘗言仙佛道自高
若論詩文不與易也渴海風流中聖賢字體定窺蒼籀
始詩篇更擬雅騷前長將杯斝思歆侑何日排雲話夙

緣

雜詩四首

人皆營一飽奚事求有餘
洪河飲鯨鯢滿腹將焉須
金剛最克己歌利忘切膚
老氏損爲用身若大患俱
俯拾仰而將于我已綽如
百年亦易盡達者誰爲模

損下斯爲損益下乃爲益
上以下爲基陰者陽之宅
遠可經國家近之理百脈
懸象交升恒至理真不易
如何習枯反吉凶變惠逆
何以持經綸卽此該龜策

黃老治天下從容出土苴
其言有至極非徒大而夸
後賢不解此治絲交紛拏
不聞慈儉謙三寶用甚賒
散利以實下不伐善莫加
華胥豈云遠民樂真無涯

半山不知人涑水未忘我醫國膠陳方救暍急烈火吾
愛李鄴侯微中談適可當其煨芋時十年推頌果何心
一品衣但鳴九節瑣斯人不可見白雲帝右左

池荷開放

盆荷移池中濯濯含風漪藕根舒旣沃雨露潤以時綠
碧葢四被丹白蘼對披我來一流覽芳園增旖旎生物
貴得所擇處良有宜人才與民氣取譬方在斯

次吳曇繡觀察聞省中祈雨詩韻

兼旬旱日揚重離飛廉助熯誰濟之呼號而禱月逾半
曰雨無術占靈蓍太常長齋吾能忍珠桂漸涌民何炊

高穹未憐請屢瀆龍雷那敢干其司惟慙德薄久乘負
竊恐時過難攀追小廉小惠效何有大裁大患責可辭
腐儒自歎肩苦重秉穗無粒救已遲欲飛心精叫閭闔
敢灑血涕濡坡坻夢中騰跨碧驄背傾瓢頻滴膏流匙
吾甘擅命身作腊民或鼓腹溝無贏巫尪詎許代汝譴
听宵竊省善自爲雲陰暫合復解駁風旂互轉空離披
冰蠟偏忍迸珠噴夸蛾尚憫移山癡如何慈願靳法雨
豈竟援手無良醫然眉已亟庶有豸翹足而望應憐夔
誦君好語面增赤坐我待旦窗透曦嗚呼
天高倘不厭明當甲換祈酣滴

病中聞 冠山三兄訃哭不成聲委頓不能作哀

詞稍瘳乃補作四首

老去悲兄弟回看剩子身六秋成永訣一面竟無因壽

考歸山日羈畱宦海人病中聲不屬飲泣獨傷神

四鳥完山集分飛仲始傷癸巳冬泉兄仙逝叔兮驚殞落辛丑

兄厭世伯也獨康強愛我情如稚臨岐泣數行手書衰漸

少無處達中腸

伉儷齊眉重盧氏嫂今年七十有九猶健善孫曾繞膝多過庭雙畫錦

開燕聚笙歌今春大姪彤三姪徽皆自東省以官使假歸爲二老稱觴誌慶經卷曾持

誦曩在都每日誦經咒詩書又發科去秋孫澄舉鄉榜榮哀誠備福

獨我悵如何

引疾歸田早貶封荷

主恩

珪奏得貶封兄中憲大夫日講起居注官大

賓鄉飲數

舉鄉飲大賓六次千叟

國光蕃

與千叟宴錫賚便蕃

願說無生法同皈不二門
鴿原猶可

叫慈筏與招魂

兄福報甚厚所欲進者性光耳

謹次

皇太子山莊秋景雜興四首元韻中有

見懷之律

萬木見疎林千巖豁翠陰
鳴于兼衆籟琴筑蒼清音佳

色黃花淡寒宵玉露深炎州榮有桂未喻歲寒心
使節驚槎月歸心急渚鴻地雖迂赤岸天不隔青空鶴
和通霄碧葵開捧日紅秋潮終會海向若目難窮
鑑水天光合空明動遠巒魚猶穿荇樂菊未傲霜殘心
洗金波淨神移玉界寬不知層嶺疊翹首仰雲看
秋獮曾陪扈羊腸九曲清鍾峯千仞上樺嶺萬嵐平鹿
速朝巖跡龍吟夜雨聲馬揚慙賦手忠愛有餘情
皇太子書示秋仲寄懷次紀

恩詩韻敬和二首

臆虛懷萬善幾月中日復又三微望羊浩晶川方至

獲鹿連翩山合圍 鶴禁居高心尚爾鴻遠慕遠意猶
依應知數袵 重華際不使 清光咫尺違

嘉樂賡歌在藻魚應求遠逮二多譽九臯陰和平心願
三進陽來泰彙茹前席不辭衷激切承筐未敢語紆餘
酬

恩那隔雲山峻先獻知難無逸書

皇太子以

珪蒙

恩陞兵部尚書詩以寄賀謹次元韻

西臺未有芻蕘效南省旋司愷獻隆責重頻年慙作牧
恩深何日快趨公七旬獸舞來威近三接 龍樓仰德

崇 玉粹金和叨 速問舉頭長見 日當中

恭聞九月初三日

冊立禮成敬疊前韻誌慶

三日闕門宣

冊典萬年 嘉慶協

乾隆

心傳堯舜庭闈密

道合官家天下公 孝友臚歡眞綵舞

壽祺引翼備尊崇遙知四表

重光照春盎仁山福海中

游坡山穗石亭

在左翼副都統署其東鄰卽五仙觀或云東坡曾游此

坡翁度嶺南遷時雲姬過子相迫隨逍遙曾訪蒲澗寺
信宿或到穗石基五羊城中五仙觀坡山得名詎在斯
大賢所過卽勝蹟然疑山阜爭光輝我款軍門一眺覽
東鄴突兀鐘樓巍神仙詞伯逝汗漫落日尚映蒼松脂
怪翁天上老奎宿騎麟被髮胡爲哉豈矜才大造化蹙
未到法忍金剛哈浮榮遊戲八州督垂老放逐三閭纍
扶胥劍氣暈吞日羅浮鶴骨香侵梅留中磊砢磨不盡
又渡儋海投珠崖黎婆叫破玉堂夢伽姥慈護瓊濤歸
詩波霑漑後萬古神水貫注天九垓我齒及公拜玉局

公拜玉局北
歸年六十五
憩樹誰問他年
栽王侯將相等
警電公平
招我歸去來

祭南海神廟用昌黎謁衡嶽廟韻

海王百谷超三公
東南巨匯龍宅中
祝融高下幹瀛嶽
吞沃星極尤恢雄
外包萬島布萬國
鵬徙鰲抃靈無窮
我巡粵疆冬再格
爲民祈福從雨風
溥天薄海宣

帝化蒼生託命誠
則通馨香牲醴亦
何有功德願力彌
虛空鯨鯢淨埽億
秭粒神所覆育天
昭融五更捨筏致
齋夙洗心控首朝
珠宮殷雷欲摩銅
鼓黝浴日尚瞰金
鷗紅行當北上睠
南土鑒此信宿言
由衷火房鬱攸珠

具眈誰問疾苦清厥躬扶持善氣蕩氛惡保富而穀幽
明同颺盲不作霖旣濟鱷虺遠遯氓考終助調乾德奠
坤軸宰御在宥惟神功膏施非屯妙用壯光聚元始穿
朦朧復歸无極貫天稷淙淙萬派長朝東

銅鼓歌

秩禮登降旋靈旗載觀銅鼓模範奇徑盈五尺圍丈五
面平空腹蟠蛟夔叩之鏗鏘更鞀鞀體恢製古誰所遺
夸言發聲震十里驚走番舶波羅師矍鑠將軍手鑄造
崢嶸銅柱同鑪錘飛鳶跼空交趾破明珠惹苴橫謗疑
兩圓駝載鎮廟肅雄飛入海畱其雌齊諧野諺吹一吹

丁寧右媵撞已虧

殿西亞鼓徑小五分之一腹已撞裂

誌云元和節度鄭

得自高守供諸祠

通志唐高州守林霑得于蠻豕節度使鄭綱以獻廟到今千載

繡堅駁摩挲未到鐘追蠡每當夏歊疫癘作移置狴狂
襁兇魑神威憑式器求舊禹鼎帝鉢靈護持放勳南訛
久平秩揚颿鏡海威鉦聲馨香升聞神佑順長應鼙奏
興甘祁我歌壽汝比獵碣魂褫貳負俘三危還淳土鼓
歌擊壤底用珍怪夸荒夷

知足齋詩集卷第十終

知足齋詩集卷第十一 乙卯

大興 朱珪 石君

萬黍維明府出所藏弄笥河先兄手書詩札示予
一爲贈別黍維五言古詩二首蓋壬辰暮春朔將
試徽游黃山臨歧所作一爲游浮山詩皖省有浮
山二此當在桐城也其三手札皆寄荅黍維者明
府爲先兄高弟子裝潢手澤讀之使我增愴蓋先
兄厭世十有五年矣此跡逮今又三十四年筆墨
飛翥珊珊有生氣憶先兄生平著錄力則移山扛
鼎妙則飛仙化人輒不名一家言珪於其時不敢

言詩不敢言文不敢言通先兄逝後而後學者乃以詩以文以通責之珪所謂雖無老成人尚有典刑者也然珪極力追摹迄不能與吾兄頡頏顧獨久畱于世珪瑤中外所稱三立者安在撫茲卷不覺潛然且泚然也乃次三首韻書於卷後而歸之

次贈別宜興萬黍維秀才二首韻

讀書非溫飽藏器爲時須士方在草莽飢走勞躑躅先生持高論氣節嗤鄙夫與其嚇傷鼠不如狎狸狔一枝棲亦得滿腹或可圖相與念明發勿忘生者劬那無四方志詎爲頤朶朶臨歧送游子桑梓非困株詩書足便

腹青氈好在無一經有手澤且復勤三餘

架有牙籤書庭長書帶草傳家雕龍親出山濟時了根
柢富詞林豈得長潦倒射策遂先鳴彈琴官譽好勤心
間疾苦本不營醉飽古云經致用此意通者少先勞知
其艱莠去苗不槁異乎俗吏爲親民誠抱保無擾獄與
市勿厭常談老飄然無累身那問蜃海渺飲啄自有天
宵羨宦者巧不伎更不求素心喻皦皦淵明柳菊親昌
黎松桂繞爲霖會逢時旣達抽身早

追和遊浮山自響雪橋入觀音巖作韻

吾兄愛山遊長嘯猿鶴聲洞天上絕壁到處鑱題名平

生晒我俗

予無濟勝具故不愛遊戶小不能豪昭文無飲先兄嘗笑予是好官然乏雅興

虧成浮山近皖山嵌空鑿棟楹石在漱響雪可以濯足
纓慈佛儼具相悲睇憐雛嬰側足上分寸出險酸欹傾
天都再涉頂五嶽願已誠嗟我真懦夫跼蹐如捧盈五
年駐江干拍手笑山精咫尺不問訪空負籃輿輕亦嘗
度棧箬

羊棧嶺爲太平達石埭路箬嶺通徽州道予辛亥冬經此

顧盼勞脰頸袞袞

戀塵土何時歸太清坐聽雨蕭瑟愴我連牀情

讀左氏傳五十五首

左公習國史紀事非浮夸知恥宣聖比多聞倚相奢魯
論本一人何事疑其差讀經不讀傳臆說交紛拏子帛

裂繡字訛伯以長加君氏乃聲子訛尹幾世家高赤異
傳聞鮮實如春華奈何并皮閣鑿空談奇葩下逮兩宋
後麟筆爭塗鴉我欲從其朔觀瀾溯聖涯

三正古迭建三春陳寵言黃鍾肇子律權輿起天根邱
明一字師萬喙可默吞伊訓十二月日至方郊天秦時
建亥首漢初猶因沿後賢強解事膠葛苦觸藩豈有魯
匹夫正朔敢竊翻少見多所怪非馬閑白堅讐說同夢
藝不辯當自刪鳳皇下扈閣五始標軒轅正本萬事理
此義尚不刊

隱本不卽位攝位奉少君春秋據事書何用寓微文十

年意承考孝友無間云惜乎翬也慙菟裴翻自焚賢哉
宋穆公讓德同流芬成虧詎足計闡幽發旦昕託始或
在茲泰伯民無聞

寫氏有隱慝報之於厥妃雄狐恣南山姑夢構無知天
道巧好還倚伏非人爲經雖諱內惡大書如齊師彭生
空化豕子忽眞男兒鄭風刺同車見利無是非此爲聖
所惡豈盡勺藥詞

夏五不書月或云闕所疑不疑何用闕此說殊支離古
書書竹木殘脫偶亦宜是非舊史闕蠹剝經字虧不知
蓋闕如了知闕何爲闕文史猶及不告不筆之已亥誤

三豕詎可仍其岐春秋所筆削游夏莫贊辭拘牽畏首
尾愼憊翻自欺公穀解郭公于曹赤所歸邱明不著傳
無義想可知

糾白襄庶弟管鮑挾而奔爭時互勝負定分殊君臣是
以取彼烈而不苛其仁不然表忠義大筆仇孔荀書君
及大夫之死光三辰公羊此勝左豈與溝壑論

禦說宜爲君臧孫稱其禮恤民憂天災禹湯興罪己茲
父假仁義翻爲五霸恥虐鄆用次睢叩鼻媚淫鬼執孟
傷于泓得死爲幸矣同時二王後杞亦降于子善乎景
三言妖星猶退徙

士薦爲獻謀盡殺羣公子椒聊雖云蕃專踰攘公美驪
姬夜半泣申生甘就死九人戕其八重耳亦老矣桐圭
有遺澤艱難賦河水當時夙萬簡三家同鼎起陰陽本
循環天運卽人理

多魚漏豎貂原守問勃鞞得失雖異趣躡躅豕蹄桓
文本雜霸秕政多蘖稊秦風首寺人指鹿終姦詆漢唐
及宋明覆轍同一蹊四星太陽側安得無蔀翳扇馬不
可騎談虎心酸悽肅離簡宮寢器使愼僕奚一洗蠶室
酷堯舜真邁躋

僖公雖賢侯魯頌多過實泮閼經不書傳未紀駟駟費

誓征淮徐禽父遙可迷次陞

此所謂荆舒是懲也

與會

咸十三年會于鹹

淮夷病杞故此所謂淮夷攸服也

依託齊桓烈弗忌躋新鬼奚斯夸路

室葩辭南金琛荒遠大東訖斷章思無邪擇善真聖筆
秦穆善悔過宣聖登之書寤寐思一臣諷媚皇有諸百
里孟所賢蹇叔智若愚孟明能念德亦有良士模眾賢
聚朝廷霸業開西都榮懷與杞棣殷鑒在前車如何百
世下用舍乖其趣林甫獨當國曲江放遠隅三復羣言
首知人灼臯謨

僑如長百尺偉體傳防風鄭瞞既埋首兩弟喉亦擗異
觀由是絕侏儒乃稱雄漢時巨毋霸莽也夸駿龐釋言

鬱單越長三十二弓形量固有盡神量斯無窮

行父逐莒僕亦以要魯宣平州始定位如齊納賂先子
惡諱書卒哀姜哭呼天東門仲既逐季氏乃獨專其言
義則正疾惡如鷹鷂數陳耆姚典元愷名字傳當時辰
與克博聞三篋繙老成有典刑祖述近取旃惜哉杞與
宋寥落遺坤乾

趙盾不討賊惡首安能逃飲子藥而卒定律亦已昭庸
醫尚有罪君父敢妄料出奔彼何爲咎大難自徼失禮
不嘗藥豈遽如獵梟春秋誅亂賊疑似胡可淆邱明眞
信史一言破衆讞

吾愛薦叔敖廉潔不受錢清德比關穀令典襄中權乘
時相楚莊不以詐力先身沒名不朽負薪子亦賢優孟
何好事狎侮衣翩躚廉吏而可爲繼世拜賜田秦鍼與
齊慶彼哉迷不悛輦金聚珠玉亾竄嗟忽焉美利利天
下不言法大圜

藉公畝稅私非甸邱出甲宣成始改制季孟此變法三
分更四分家肥國乃乏鸛鵒遂來巢虎兕方出柙肆哉
有若言民足君自洽以禮抑強都節用觀耕鍤豈有長
臣民而不供禴禴損上以益下勿問惠心恰我聞儉德
君大庖生蒲蕞

巫臣爲王謀忠諫屏夏姬尤物實不祥諄諄子反規如
何竊以逃自謀忽醉癡斬焉覆其族鋌險宗國罷是真
可憐蟲顛倒迷臭鼯飛蛾投膏火就木憐雞皮畏途相
枕藉羊脰猶不知

莊姬譖同括朔子畜晉宮三年夢大厲立武存勲忠馬
遷異傳聞追問桃園攻岸賈治靈獄嬰曰扶趙宗立孤
與代死擇難匿山中崎嶇十五載信義皦貫虹考實左
爲優勵世遷亦雄好古兩存之可爲烈士風

隨會有賢子士燮頗知道外寧必內憂釋楚亟自係是
時樂卻驕馬公嬖胥矯馬前何侃侃祈死亦草草國醫

先其本而不急末標吳平弛太康邊開燭天寶卓哉李
文靖屢陳旱與潦

虞書命典樂後律先以詩詩本出天籟豈以律呂爲鐘
奏與笙吹有聲必有辭是以肆夏三惟頌邁競思陔亾
非本無無義何取斯有如清廟作不叶音自宜會意訓
詁外好古心得之

揚干戮何勇虞箴諷何善晉悼得斯人三駕名益顯無
終戎可和有窮訓亦典息民勤施舍制節用不腆金石
樂歌鐘居安思黽勉貞觀有直臣鼎耳黃金鉉主聖方
孜孜臣忠自蹇蹇虞歌賡明良周雅係穀散

穆姜筮艮八是謂艮之隨

貞艮悔隨

爻爻

初三四五上皆變獨二不變則占不變之爻是二爻撰

數非六乃八也

五動二獨靜占靜乃古規繇云隨不

拯亦與之卦諸用六艮之蠱

二爻獨動則為艮之蠱

女惑心不怕

四德傳文言宣聖所取資貞屯悔豫八三靜占彖辭爻

言

屯之豫初四五爻皆變而二三上不變半九六而半八則占彖辭啟蒙說也

非敢逞臆解

啟蒙是吾師

魯國有三勇堊父狄虺彌左輪右拔戟三斷懸布垂叔

梁九仞仞手扶懸門機是時聖未生翁年六十耆

是歲襄公

十年襄二十二年孔子生叔梁年七十餘乃娶于顏

後更十二載麟書來吐尼達

人固天縱自出宜恢奇遠紹元鳥脈蔚為萬世師我昔

拜防墓泗水方流西此兆聖既生生聖地莫稽壹壹乾
坤內誰測眞端倪

季宿作三軍倍征敵公室叔孫征其半孟氏四取一及
乎毀而舍擇二公無實吾悲穆子賢垂翅當且日寵牛
餒以鮮告殯讒可塋三桓聖所吁五世希不失

吾愛宋子罕美哉邑中黔不貪辭寶玉分謗息謳音後
亾樂有加善貸兼卹任同時華臣氏大璧方暴侵短策
一以騁瘼狗誰能禁薰蕕不同量卽此分苔岑

臧孫暱美疢飲酒徇其私與人骨肉間而以智巧爲焉
用彼聖人乃與豐點比如防更納請要君焉得辭似鼠

譏齊侯僂句將汝欺春秋與遺直守正無詭隨豈不惜其智念茲盍恕施

薦掩辨九地衍沃乃可井周官著再易町牧不能整子與試之滕滕固蕩平境讀書得大畧良法詎有梗三王貢助徹不必刻畝頃後來兩稅法取意得要領我

朝地納丁仁政尤便省不須問口率何況開荒礦薄斂以益下萬世斯當秉

平仲辭邱殿正德爲利幅慶封聚百車子之動費桷淫人富而殲善人貴知足子臧與季札讓國尤卓犖人生百年中誰能盈所欲積玉比崑岡火輪炎而燬編珠照

海宮鵬怒攫其肉不如散恆沙還作虛空福

季札觀周樂于鄭不譏淫美哉細已甚風雨雞鳴音其聲聖所放煩促感人心蔓草賦太叔學校憂子衿豈皆中菁言緇衣攸好謚何沈邱鄒衛令德式王金

趙孟賦瓠葉穆叔歌采蘋二簋可用享省稽兄弟安何敢競奢汰五獻羅豆邊賦詩更飲酒樂意相盤桓我欲師其旨節儉風庶官壺觴聊屬饗萬錢下箸難素心其酬酢擇取斯兩端

秦和視晉侯謂是疾如蠱中聲有五節煩手乃自苦穀飛風落山海淫男惑女深宮姣四姬美盡誣其祖況又

寵少齊火中退寒暑不聞古賢妃雞鳴聲璜璫貫魚以
御敘葛藟緝螽羽清明常在躬六氣調風雨

晉肸與齊嬰憂國言屢中唐宗旣披枝有嫺將化鳳慨
慷讒鼎銘歛歛踊貴痛臥薪火將然履霜冰已凍豈無
老成人苦語亦善諷如何規爲瑱御馬失其鞿不聞少
康興在德不在眾

聖人時無電雖有不爲灾取冰谷寒沍北陸深藏埋西
陸覲而出火見頒賦皆以此燮天道愆伏能和諧此理
悟修身陰濟陽不乖龍蟄溟海窟鯢化垂天來吹陶三
日凌觀易九地雷中和在調御那復患大紱

蠶尾作謗政火藏鑄刑書救時雖執守未可爲良謨渾
罕與羊舌規敝嗟不虞國旣福而偪民困慘不舒碩鼠
思樂土毳衣畏大車喟焉發寤歎蕩蕩游華胥

君稱衛侯惡卿名衛齊惡君不奪親名避名古猶畧雖
歌昌厥後噫嘻詠駿發臨文古不諱孔書臧孫紇及乎
唐以後諱石足不越昌黎作諱辯謂是婦寺節臣子致
敬恭君父可豁達不聞勳與華堯舜名昭揭

黃熊入于寢伯有介而行誰作無鬼論精爽能神明何
況三不朽功德言爲經文王帝左右崧嶽神降生佛言
轉輪道仙可元化成昭昭在天壤何間明與誠天高聽

則下呼吸通玉京聖人儼對越得一天下貞

毫社意如佻岡山楚靈逞周公不饗魯天道將敝郢王
圍雖汰侈頗能容骨鯁取臣盜有寵致死國可靖翠被
秦復陶意氣輕周鼎子革摩厲須臾饋兀自省踟躕不
能克投車猶耿耿回首章華臺江漢空流梗

東里近剛毅執禮無姸要求環旣弗義強賈亦不阿羔
裘實自賦司直匪云他火作斬用瓘龍鬬無投犧太叔
婉而喻裨竈言苦多鄉校尚不毀從善心平和斯人可
稱惠博學辯不頗子皮一以死爲善將如何

郊子識古紀乃爲聖者師軒炎爛雲火大皞班馬嶠金

天述高祖鳳鳥方來儀五鳩襄分至九扈佐翟翬顓頊
始紀近六官分允釐乃知古神明天事同矩規藉談忘
其祖何以董史爲

伯魯不說學子馬嗟替陵大人失而惑何以是則承喻
學如農殖穠蓂年自登不然實將落草蔓生蒿芳古稱
仕優學制事乃有恆嗟我耄將及掩卷三撫膺切磋與
懿戒秉燭猶堪徵

僖公五年春正朔日南至建子日辛亥是爲章首歲及
昭閱七章朔會星紀次魯史官失閏丑月置中氣左氏
精天官梓慎望氛誌輔翼宣聖經可以質萬世

嬰也辨和同濟味和五聲豈曰同可否專壹誰能聽祝
益詛有損修德先薄征好君夫何尤子輿所亟稱當時
陳已競亦由景不懲用賢戒寵佞發憤追尚丁惟禮可
已僭路寢言尤誠何用忌鄰國而以文衣焚遘臺飲尚
樂牛山涕空橫

子囊有遺言城郢忠社禩瓦也復修之沈尹嗤無益善
敗奚取諸本固慎疆場梁伯溝其宮嫠婦縋莒壁晉恃
馬與險豈止牛之瘠當時楚已燬仇讐方恣螫修德念
爾祖衆心成金石成言固非誣守小卑不獲佩璫與肅
霜誰召爭宮厄

魯有子家子其人智且忠意如虎而翼稠父心猶章日
入慙將作如墓謀忽忽范鞅實取貨公衍徒獻龍掩耳
荀躒走炊鼻顏鳴攻千社祿不再一慙身將終遺賜反
環琥壞墮翩冥鴻伊人不能用內外誰爲同是時子不
仕疾首傷姦雄大書耶乾侯一發衆穉蒙

蟲莫知于龍水物可生得五官朝夕思失業官不食董
父與劉累數典徵蔡墨其言見飛亢于易猶澁澁三古
與天通四靈畜可識豈其儻鬼神怪變不能測左氏著
之卦釋爻最不惑用九乾之坤數以紀挂劫直方六二
動于坤標其則餘論何糾紛此是周孔式

求名名不得求實名愈章微顯婉而辨春秋志可詳齊
豹乃爲盜宗魯空自戕庶其與牟夷黑肱惡不怙旣懲
不義肆亦誅貪類將善勸淫者沮可以維大防獨有忠
孝名上與日月光千駟何足貴百世稱首陽

伍奢以讒死尚殉胥奔吳復讐誓覆楚厥考不受誅囊
瓦怒唐蔡興師非匹夫昭王走雲夢五戰隳郢都班宮
亦已甚鬪辛猶不茹鞭尸與撻墓好事增夸誣邱明未
涉筆修墓闕不書穀梁暨司馬盡信不如無

包胥有成言員覆我必興秦庭倚牆哭七夜不絕聲哀
公賦無衣感激出義兵蒲虎五百乘蛇豕走且驚當時

楚材競拚手扶危傾超然獨逃賞脾洩羞爭能我欲薦
蘭菊江漢揚清名

趙鞅摧衛盟援手及其腕匹夫不可辱國君何侮嫚靈
公憤而起五伐猶能戰中牟雖千乘一身當其半晉將
失諸侯趙氏世有亂涉佗死亦遄植立空過且無禮勇
奚爲驂靳詎相難

夾谷孔子相執禮麾萊兵歷階何侃侃神聽和且平汶
陽地旣反心折景與嬰仁者必有勇何用夸柯盟聖人
無小試三月兆已行因勢墮三都亦折駮扈萌郈費旣
從命處父猶據成此謀利病半支弱先幹勅措手自有

漸正本安無傾惜哉不稅冕回首龜山橫

文子富而臣戍也驕必亾夫子疑不取其然婉而彰享
公懼及禍史鰌謀之臧薦賢更周急貞惠文不怠憂貧
賀韓起屬厭辭梗陽女賄尸叔鮒室美懼知襄不見延
州季九十猶康強

蕞子謀城周欲支天所壞天道誰能知臣忠良不解女
寬與彪奚狺狺羣吠怪周德雖已衰王靈猶知戒如何
殺其良而以說蜂蠆趙鞅敢逆討厥罪吁可斷三年血
化碧真氣貫沆瀣吾將激英風一發大塊噫

陳張姜已替九年三賊君孔子三請討一變斯時云

論語

齊一變章當爲定
哀時之齊魯而發
魯猶秉周禮不敢爲斧斤魯衆加齊
半謀克非徒勤後儒不解事乃欲參空文又將揉九合
而爲毀三軍豈有熊虎革乃學穿井鑕追原誣望且讐
說徒紛紜何用齊變魯大義明君臣何用魯變道政舉
存其人

出公不父父孔子先正名迎賁主社禘七鬯誰震驚柰
何拒于戚不順事不成彼倭溷姻妾與猥從要盟悝也
旣登臺仲氏空結纓端木善發覆遠以孤竹稱衡流乃
鏡尾藉圃祗搆兵

鳳兮亦已衰麟乎胡爲玃聖心默有感援筆作而述斯

民有直道取義光日月王綱既以正亂賊嚴斧鉞邱明
親見之事跡具始末詳徵魯春秋晉乘楚檮杌旁羅各
寶書多聞言有物因文窺折衷微顯幽闡發千秋金鑑
懸庶以信來哲

臣謹案春秋紀事之書孔子據魯史以正褒貶
非空言也杜預稱左邱明身爲國史躬覽載籍
必廣記而備言之故三傳所述左爲近實不知
其事之本末則聖人筆削彰瘡之意不明鑿空
臆斷以譌傳譌皆後儒之失也臣幼讀其書愛
其博雅闔壯而老溫習舊業乃知左氏之優不

讀左傳而求之經如瞽者無相而言九達之近
遠紆直安有合乎如春王周正月著一周字而
三正之建改月之制不解而明飲太子止之藥
卒則誤進藥物罪案已定而不嘗藥之苛論不
待辯矣紀裂繻爲子帛之字則子伯之譌舛何
疑此皆實事求是勝于公穀者也他如伍員鞭
尸之說傳聞過甚左氏不詳較爲近理至於蔡
墨說乾之姤之同人則知以九六動爻爲之卦
而七八之占亦見於穆姜遇艮之八之說皆古
法也史克舉十六相去四凶之對可補虞典魏

絳有窮后羿少康之對可補夏書楚子之言七
德成鱗之言九德可以說詩北宮文子子太叔
之言禮季札之觀樂皆與六經相發明者也又
其書述晉楚之事最詳則兼通乘檮杌之史不
獨一家言矣欽惟我

皇上聰明天縱

好學日新尤熟左氏于年月干支地名族氏無不一

一如指諸掌

臣夙侍

講帷真知心服以爲經生窮年佔畢不能仰望萬

一者也

臣

于乾隆乙卯日至後案牘之暇輒就

管蠡所見隨文成詠
淡辰得讀左氏傳詩五十
五首謹錄以

獻亦庶可塵

幾餘游藝之玩或有合于芻蕘牖隙之忱云爾

臣珪

謹識

舟中望羅浮用東坡韻

葦蕪洲溯下南村烟鬟縞袂師雄魂半風吹帆輕舵穩
玉鷺伏虎雲嵐昏石樓未瞰滄海日梅花已發金龍園
仙人引我青竹杖換骨欲試湯泉溫飛身鐵橋擎山脈
天瀑滉漾朱明瞰臥遊咫尺隔洞天府竊比內守元牝門

稚川真人應拍手與子覲面何多言我家昆從望不遠
桂醕聊奠晨餐尊

江行

兩岸青山如過馬舶趨風斜窻半打澄波綠淨棹委蛇
咫尺羅浮迷谿間金堂石樓安在哉鸞驂叫馭空中排
安行淡時三百里臥遊已過連雲臺長公當年此羈旅
白鶴松風久延佇倉皇又見渡海南蓬山回首愁風雨
我今按節尋遺蹤更欲東去追韓公跋浪鱷魚驅未盡
襄天潮海誰爲功

雨行二首

我棹泮河水三日雲陰陰我發惠州道赧駁日照林稻
塍猶未堡麥穗祈甘臨平山稅初夜仰面霏灑慘俄傾
忽滂沱達旦簷溜音原田流膏液旅從怯泥濇熊魚詎
兩得大惠膚寸霖天慈更神貺何以酬高深

客夢五更起坐旦雨脚盈肩輿衝泥發蓑笠扶欹傾十
句未覩此寸滴濡尺耕目存纓絡注耳醒奔瀧鳴四山
出蒸炊萬壑同一聲麥麴飽含粒藎蕓青抽萌烟鬟媚
窈窕膏沐嬌嫋儻崎嶇跨犖确流潦浩縱橫僕夫咎況
瘁黎庶獻稌秔牛歸歌牧豎鷺埠停蓋旌濁醪聊一醉
勞彼霑塗行

度羊蹄嶺

五更發鷺埠卅里躋羊蹄山寺可小憩夾路松陰齊盤
紆上石磴俯臨眾皦低是時新霽後朝陽晃林溪東憶
閩嶠楓北緬梅嶺梯江山隔氣候雲雨隨端倪我來布
天澤豈獨防海鯢蒼茫大輿內何以康烝黎

海豐

信國當年駐海豐五坡嶺上歎途窮不須更唱長平曲
碧血千秋氣貫虹

陸豐

陸豐分海豐本自東海濱南通碣石鎮東接甲子澳昔

當宋元交龍困猶一掉韃哉文陸張力盡死不撓手浴
虞淵輪耿耿出反照魯陽戈豈回精衛血空漂扶輿有
正氣浩歌激商調敗爲肝納演成則力排異我行惠潮
間周咨動憑弔英風五百年一發鸞鶴嘯

揭陽

昌黎說揭陽瞿狙龍蝦間於今爲緊縣殷軫雄海山貫
城流通津列屋豐市闕郊原千畝堡文物烝彬彬伊昔
趙子德初附青雲翺何方非聊泗詎可屏馭蠻地利有
遷革氓庶無秀頑先師適衛歎誰與籌痼瘕

韓山謁文公祠

韓山名山韓江水公文如潮州建同危言披腹叫閭闔
九死不悔天鑒衷筆驅海鯉遠徙手扶雲漢開屯蒙
屹然嶺外大都會舟梁架構浮長虹升階握拜瞻廟貌
俯瞰城郭何恢雄魚鹽藪利物蕃阜馬柏賓用人昌丰
鑿荒肇祀眞粵祖迴瀾衛道同禹功當時魚腹自甘葬
豈料麟泣非終窮晚年直節震河朔倔强猶昔浩氣充
堂東更謁文張陸授命蹈海爭孤忠古而無死誰不朽
三立異世欽英風日星在天嶽矗地大海蕩蕩長流東
陸豐縣百齡有三檢討彭一猷九十六歲耆民林

丙進

陸豐多耄頤奇算近海屋彭老百齡贏林翁九旬六豈
伊餐肉芝自可傲材木未遽地行仙已幾天使獨重筵
宴千叟壽寓開四隩人瑞符

軒耆風淳轉驪陸

謁東坡亭卽公白鶴峯故居在歸善縣城北

八州督罷嶺外游三年放客仍淹留合江嘉祐未黔突
買山更上白鶴頭我行殘臘月正望百七十里勇未休
惠守導我謁祠蹟北江繞戶開軒幽山僧指觀百尺井
當年手鑿勿幕收嗟公丙子作重九朝霞已卷孤光秋
明年又復渡海去逆旅電逝眞虛舟大賢所憩人愛樹

況此鴻爪了可求公神跨鶴返奎斗萬世俎豆同魯鄒
如公遷謫尚不朽而我擁節慙鞠謀西鄰咫尺勾漏令
東望拱揖韓潮州他年誰識盤陀老却來此路停軒騶
臘月初四日雨次吳曇繡觀察韻

我徂平山東宵雨達晨嚮滂流犖度崎嶇溟濛不見
雲開放輿人跋涉村農歌隨軒膏沐嬌鬟嶂夕投鷺埠
尚烟濃斗覺寒威入行帳詰朝更陟羊蹄顛萬壑懸紳
鴨頭漲惠潮千里徧涵濡秋冬十旬今渥暢歸來和君
勤雨詩龍德方春行用壯

蒙

恩賜如意一枝

親佩荷包一對恭紀二首

絳霄喜氣

日重光眞見

乾龍合六陽並海誰知春早渥傳郵已覺路生香

天如人意

顏應近臣佩

君餘服用章萬里九垓

心自印飛神瞬息接

雲間

六年身遠隔

光塵重嶺周爰匝海濱已喜瞰樽親見

日不知攀桂尚畱人蓮花解佩金連縷塵柄因心玉粹
純垂委捧盈慙仰報願將無逸再敷陳

遊五仙觀觀五羊石

五羊化石何磊瑰任趙未起飛仙來五龍奇齡五老昂
游戲到此芟荒荻羊銜神穗撒坡麓黍稌穰稌秭秣
汙邪潮浸黃木口高種雲涌朝天臺仙人化去二千載
至今再熟豐京垓金華初平試叱馭洞庭龍女煩鞭枚
劉王花塢已蔓草盧循城廩空阜堆獨茲遺跡儼頭角

朝日晃曜金韞毬我來求牧先稼穡願祝膏壤調風雷
周諏何術去害馬肇祀有相宜歆卽炎州再見寒月挂
庾嶺行度春江梅稽首仙翁起元放借我筇杖歸蓬萊

除夕檢點詩草

作詩貴精不貴多三百星宿光羲娥漢初俎豆十九首
三曹競爽詞駢羅步兵詠懷八十一淵明醉語尤醇和
六朝鮑謝事雕纂杜李崛起鳴龍鼉昌黎全詩三百八
已駭變怪雄山河後來才大號蘇海萬斛泉涌惟東坡
香山劍南極爛漫誰挽下瀨滔滔波偏師仄徑爭擅巧
瑣碎蟲鳥奚足科我幼學吟不自惜信手撒擲輕龜嬴

六十年前驚一呖宦遊荒落行蹉跎零篇假抄或乾沒

斷句火化神傳哦

珪在山西臥室戲書絕句焚之石齋先生乃錄于嘉興瓦壇一字不錯亦

一奇也皖江四載偶濡筆使僕寫稿隨差訛轉粵攜來一

書史有作卽錄嗟縷觀今年四百歲七十雖多奚用孰
切磋勞勞案牘靡夙夜餘力得此亦自訶飛鴻刻爪玄
紀日誰其作者翁盤陀

知足齋詩集卷第十一終